

[www.BibleForChildren.org](http://www.BibleForChildren.org)

# Matiusse 26



Lesike

petua ne sa

pine tamata

Yahudiaru esi

pesta nete suike

Alla Isirie esi ntuana

menaru bei Mesire,

Yesuse Ikeu lora hena

Betania. Lasaruse rebe

Yesuse Iono kwana

suike irue ete mere.

Eleki Maria iluake le leite

boini ntelete rebe esi beline ela

titinai kasuke litere kwatai. Eleki

isoba Yesuse Eni lelale kenae kai ibasa kena eni

buare. Hoko esi boine lila pusue luma laleiije.



Eleki Yudase Iskariote isiri bei luma  
mere kai ikeu loko imama elakaru  
leke iriluke Yesuse ete  
tamataru leke esi bunuI.

Yudase mere Yesuse  
Eni maka lulu sae  
bei sie butu esa  
lesini luaru.



Kena esi lene mere bei Yudase, lalesi  
ndina kai esi beteke lokoi be,  
"Yeke, ariluke Yesuse ete  
ami hoko ami riluke kepene  
etemu." Eleki Yudase  
inikwa lalane leke  
tamataru esi supu  
kerike Yesuse.



Eleki Eni maka luluaru esi ono  
lulu Ibeteketele hoko esi keu  
kai aknekae manane me luma  
mere. Kena esi kane sa, Yesuse  
Irana roti, Ikotie terima kasi  
bei Alla kai Ibire roti mere, eleki  
Irilukele ete Eni  
maka luluaru  
kai Ibeteketele  
lokosi be,  
"Imi ranae  
kai kanele  
le meije  
nanakwalakue!"



Eleki Yesuse Irana oba esa  
rebe penu kena anggure  
kwelini, Ikotie terima kasi bei  
Alla kai Irilukele etesi kai  
Ibeteke be, "Imi pusumi  
kinu bei oba meije. Le meije  
Auku lalakwe rebe ankenae  
Alla Italuke ete imire  
kai Auku lalakwe  
ponikele kena  
ampune  
tamata bokala  
esi dosaru."



Eleki Yesuse Iombe, "Simone, Simone, araka mimise! Le Alla Isebeie ro tiaru esi elake teheke ale, lupe tamata esi kbisi gandume esi kwesaije bei esi tinate leke tebi misete bei tiare. Po Au kotie loko Alla etemu leke ahlaleke ktili loko Au rame.

Kai kena ahlaleke loko Au ktili peneka, hoko aono amu kwalia maketaru esi hlaleke ktili loko Au lekwe."




Eleki Petruse ibeteke be, "Tuhane, masike au kusu bui kai au mata sakesa kaiMu po au lulu Ale rame." Eleki Yesuse Ibeteke loko Petruse be, "Alene lokoKu mimise! Petu meije, kena kpetu meije neka, manu tulale etotlae mosare ale ruamu beteke rebai telu peneka be arekwa Au mo!"



Eleki Yesuse Ikeu kai  
Eni maka luluaru me  
otoi sae me esi nane  
Getsemani. Eleki  
Yesuse Ibeteke  
lokosi be, "Kwetela  
imi, rue ete meije  
mina, yo Au kotie loko  
Alla ete morare."  
Yesuse Ibeteke be,  
"AmaKu, sasaisare  
Aonore yele. Aono Au  
mata yake. Po lulu  
Auku sukare yake po  
lulu Amu sukare!"




Hoko Yudase iluake ete mere sakesa kai solalu Romawi bokala kai maka raka Tuhane Eni Lumare, esi kerisari, ai buai, lampu kai obore. Tamata meru esi supu ulake bei imama elaka kai tamata Parisiaru. Eleki sae bei Eni maka luluaru ilasa tamata makerike ete imame elake eni tinaloini makwanale. Eleki Yesuse Ibeteke lokoi be, "Hleke! Ono suike ele mere moneka!" Eleki Yesuse Ikerike tamata mere tinaloine eleki emise suike sosoli.



Eleki esi kerike Yesuse kai esi kerini me imame  
elake lakwai esare eni lumare. Kai Petruse ilulu  
Yesuse bei lauke. Eleki  
me imame elake lakwai  
esare eni otoi kena  
malamare, tamata  
ete mere esi lupuke  
auwe eleki esi rue  
pasa keholie.  
Eleki Petruse  
irue pasa kaisi  
ete mere.



Eleki tamata makerike  
ete imame elake sae  
eni luma toini kai  
makerike rebe  
Petrowse ilasa  
tinaloine ibeteke loko  
Petrowse be, "Mempetuke  
au selu asakesa kai  
Tamata mere, imi rue me  
ndinu saitune. Lemake  
yake." Eleki Petrowse ilemake  
suike leneka be, "Au mo."  
Kena mere panuhuke  
manure totlae. Eleki isiri  
rani eti hnetekeni le isusa.




Eleki pusue agamare esi elaka  
maka teu pakalaru esi ulake  
keri Yesuse loko gubernure  
Pilatus. Eleki Pilatus ibeteke  
loko Yesuse be, "Ale,  
tamata Yahudiaru  
esi Kamale o?" Eleki  
Yesuse Iralakeni be,  
"Yele, lepate  
mere tinai!"



Eleki Pilatuse ibeteke lokosi tiktili  
suike lekwe be, "Imi tamata Yahudi,  
suka au sirie imi kamale, o?" Le  
isuka kena sirie Yesuse. Po  
esi kloloe suike lokoi  
be, "PakuI ahlake ai  
batai leke Imata!  
PakuI ahlake ai  
batai leke Imata!"




Eleki Pilatuse iriluke Yesuse etesi  
leke esi pakuI ahlake ai bataije  
leke Imata. Eleki esi rana Yesuse  
bei Pilatuse eleki esi kerini.  
Yesuse Isiri, Ikeri Eni ai batai  
rebe tatike pine esi pakuI  
kenare lolete Otoi Ulu Alati  
(kena sou Ibranire Golguta).




Esi luake ndete Golguta eleki esi  
pakuI ahlake ai batai ete mere.  
Kai esi paku sie luaya sakesa  
kaiNi lekwe.

Yesuse Impe  
tla yo sae  
isapleuke  
mapale kai  
sae isapleuke  
makwanale.



Eleki kena olasa butu esa lesini lua hkwatare, pusue  
nusare kpetu hoko kpetu roma olasa telu kmau, le  
lemataije hita mo. Eleki obite nurui  
elake rebe blulute mpai  
Tuhane Eni Lumare esi lalei  
rebe ereba sokati mise  
titinaije, ekahie bei  
ndete roma mpe. Eleki  
Yesuse Ikloloe loko  
AmaI be, "Amate, Au  
riluke Auku nasite  
eteMu." Eleki  
kena Ilep pelare  
teu Eni nasite  
sosoli ne.



Hoko tamata sae bei Arimatea eni  
nane Yusupe, ile sae bei elaka  
maka teu pakalaru kai  
tamata esi sukai. Inamake  
petu kena Alla Ipletae  
pusue tamatare.  
Ikeu kotie Yesuse  
bei Pilatuse leke  
ihnoukeNi.


Eleki irana Yesuse  
eleki kerie me liane  
benai laleije. Isabe  
obite nurui nanuke  
misete eleki ikopaI  
kena obite mere.  
Eleki ilolike batu  
elake kena epele  
lutike liane benaije.




Ele bobanure Yahudiaru  
esi petu plei, imama  
elakaru kai tamata  
Parisiaru esi keu  
loko Pilatuse, ...



... kai esi beteke be,  
"Ntuane, ami nete  
Yesuse, tamata  
nloene mere,  
Ibeteke kena Imata  
mosare be, 'Petua  
luare Ikwana  
suike bei  
matale.'"



Hoko esi keu raka Eni  
liane benaije. Esi tolae  
tanda kena batu  
rebe pele lutike liane  
benaije leke sae  
ibaেকেle yake,  
kai esi raka  
ete mere.



Kena tamata Yahudi esi petu  
pleije elia peneka kai mere miku  
bebeleti. Maria Makdalena  
kai Maria makete lekwe  
esi keu selu liane benai  
rebe esi hnouke  
Yesuse kenare.  
Kena mere isu  
elake eono sosoli:


mere le Tuhane  
Eni malekate irulu  
bei ndete surga  
eleki ilololike batu  
elake rebe me liane  
benaije esi nanaije.



Eleki malekate mere irue  
kena batu mere. Solalua  
rebe esi raka liane benaije  
esi rilasi eti rarelesi kai  
klolikesi, hoko esi  
rekwa sasaisa  
moneka lupe  
tamata matale.



Malekate mere ibeteke loko bina  
meru be, "Rilami yake! Au rekwa  
be imi nikwa loko Yesuse  
rebe pakuI kena ai  
bataije. Iete meije  
moneka le Ikwana  
suike bei matale  
peneka, lulu  
Ibeteke.




Mai imi selu otoi  
rebe tolaeNi  
kenare.



Hoko rilasi po lalesi ndina kuate hoko esi  
bala nununu bei liane benai mere sosoli  
leke esi beteke ete Yesuse Eni  
maka luluaru. Eleki Kena luasi  
bala sa Yesuse IaselukeNi ete  
luasi kai Ibeteke be, "Hlamate  
kenami." Eleki luasi tehaikeNi  
kai luasi kerike Eni lelale  
kai esi

tatu lokoI.





---

Eleki kena Yesuse Eni maka lulua butu esa lesini esa meru esi kanere Yesuse Iaseluke ruaI etesi. Eleki Ionosi be "Imi knene le imi hlaleke loko Au ktili mo kai imi lene loko tamata rebe esi selu Aure esi lepataru mo." Yesuse Ilepa loko Eni maka luluaru pela, eleki Ibiti lolete surga ne hoko Irue sapleuke Alla Eni makwanale leke Ipleta sakesa kaiNi.



Alla Ioki tamata mei nusa meije  
titinai eti Iriluke Au, Eni Nanae  
esane lomei nusa meije leke sire  
pine ihlaleke loko Aure  
isupu rue kai Alla  
eti pela.



Roma 3:23 - Le pusue tamatare ite ono dosa peneka kai ite lau bei Alla Eni nkenale kai Eni misete.

Roma 6:23 - Le ono dosare ekeri kena matale kai rue lau bei Alla. Po tamata rebe esi esa kai iteki Tuhane Kristuse Yesuse pende, esi supu rue kai Alla eti pela.

Ibrani 9:27 - Saka Alla Ibeteke be tamatare imata rebai esa neka eleki namake pine Alla Iteu pakala etei.

Epsuse 2:8,9 - Alla lalaIje mise ete imi, hoko Iono imi hlamate le imi hlaleke loko Yesuse. Imi supu hlamate mere bei imi atula lokole mo, po mere misete rebe Alla Iirilukele, kai mere hasile bei imi makerike mo. Hoko sae kwakwaeni be isupu hlamate bei ruai yake.



Roma 10:9,10 - Le sepo imi naku be, "Yesuse mere Tuhane," kai lalemi hlaleke be Alla Iono Ikwana suike, hoko imi supu hlamate bei hukume le imi dosaru.

Le tamata ihlaleke me lalei, hoko inkena me Alla oaI. Kai tamata inaku kena birui hoko isupu hlamate.

Yohanese 3:16,17 - Alla Ioki tamata mei nusa meije titinai eti Iriluke Au, Eni Nanae esane lomei nusa meije leke sire pine ihlaleke loko Aure isupu rue kai Alla eti pela.

Le Alla Iulake Au luake lomei nusa meije kena Au hukume tamata mei nusa meije mo po kena hlamate tamata mei nusa meije.



1 Yohanese - 5:11-13 Alla Eni lepate ete itere elere:  
Alla Iono ite supu rue mise eti pela peneka, kai supu rue  
mise eti pelare bei hlaleke loko Eni Nanare.

Tamata rebe iesa kai Alla Eni Nanare, namake isupu  
rue kai Alla eti pela. Tamata rebe iesa kai Alla Eni  
Nanare mo, namake isupu rue kai Alla mo eti pela.

Au leki sulate meije ete imi rebe hlaleke loko Alla  
Eni Nanare leke imi rekwa titinai be imi supu rue kai Alla  
eti pela peneka.



Matiusse 26-28; Lukase 22-24; Yohanese 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen.

Alune Bible (alp) © 2012, Wycliffe Bible Translators,  
Inc. All rights reserved.

<https://live.bible.is/bible/ALPWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

